



Broj: 01/1-50-1-26-29/04.

Sarajevo: 09.06.2004.

Z A P I S N I K
sa 29. sjednice Ustavno - pravne komisije

Sjednica je održana 09.06.2004. godine s početkom u 13,00 sati.

Sjednici su prisustvovali članovi Komisije:

- | | |
|--------------------|-----------------------|
| 1. Mirsad Ćeman, | 5. Momčilo Novaković, |
| 2. Petar Kunić | 6. Beriz Belkić, |
| 3. Seada Palavrić, | 7. Tihomir Gligorić i |
| 4. Ivo Miro Jović, | 8. Nijaz Duraković. |

Član Komisije Martin Raguž nije prisustvovao sjednici.

Sjednici je prisustvovao sekretar Komisije Milan Zjajić, i Golijanin Nevena - student stažista.

Mirsad Ćeman je pozdravio prisutne i predložio sljedeći:

D N E V N I R E D

1. Zaključak o proceduri razmatranja prijedloga zakona u Predstavničkom domu kada je izvještaj nadležne komisije negativan,
2. Predlaganje kandidata za Radnu grupu za izradu Nacrta zakona o restituciji u BiH,
3. Poziv na saradnju na izradi Inicijalnog izvještaja o primjeni Međunarodnog pakta o građanskim i političkim pravima u BiH,
4. Ostala pitanja.

Predloženi dnevni red je jednoglasno prihvaćen.

Ad. 1. Zaključak o proceduri razmatranja prijedloga zakona u Predstavničkom domu kada je izvještaj nadležne komisije negativan,

Ustavno-pravna komisija je kao nadležna, nakon opće rasprave:

1. Jednoglasno podržala principe predloženog zaključka,
2. Konstatirala da je amandmane uložio poslanik: Mirsad Ćeman. Komisija je podržala sljedeće amandmane:

Amandman I

U stavu 1. na kraju se dodaje sljedeća rečenica: "Nadležna komisija je u izvještaju obavezna obrazložiti razloge odbijanja principa ili zakona u cjelini."

Amandman II

U stavu 3. iza riječi "smjernicama" dodaju se riječi "koje Dom utvrdi i"

3. Jednoglasno prihvatila tekst Prijedloga zaključka o razmatranju prijedloga zakona u Predstavničkom domu kada je izvještaj nadležne komisije negativan kako ga je predložio Kolegij Predstavničkog doma sa usvojenim amandmanima i
4. Konstatirala da je predloženi zaključak neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Mirsad Ćeman.

Ad. 2 Predlaganje kandidata za Radnu grupu za izradu Nacrta zakona o restituciji u BiH,

Nakon provedene rasprave, Ustavno-pravna komisija Predstavničkog doma jednoglasno je u Radnu grupu za izradu Nacrta zakona o restituciji u BiH predložila:

1. **Mirsada Ćemana**, Predsjedavajućeg Komisije i
2. **Martina Raguža**, Drugog zamjenika predsjedavajućeg Komisije.

Ad. 3. Poziv na saradnju na izradi Inicijalnog izvještaja o primjeni Međunarodnog pakta o građanskim i političkim pravima u BiH,

Nakon provedene rasprave, Ustavno-pravna komisija Predstavničkog doma jednoglasno je u Radnu grupu za izradu Inicijalnog izvještaja o primjeni Međunarodnog pakta o građanskim i političkim pravima u BiH predložila:

1. **Milana Zjajića**, Sekretara Komisije.

Ad. 4. Ostala pitanja

Kako nije bilo drugih prijedloga za ovu tačku dnevnog reda predsjedavajući je u 13,20 sati zaključio sjednicu.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Ćeman

